

文淵閣

影印

四庫全書

影印

文淵閣四庫全書

第五八九冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

嶺外代答	桂海虞衡志	中吳紀聞	會稽三賦	六朝事迹編類	東京夢華錄	岳陽風土記	益部方物略記	嶺表錄異	桂林風土記	北戶錄	荆楚歲時記	南方草木狀
------	-------	------	------	--------	-------	-------	--------	------	-------	-----	-------	-------

宋	宋	宋	宋	宋	宋	宋	宋	舊題 唐	唐	唐	梁	晉
周去非撰	范成大撰	龔明之撰	王十朋撰	張敦頤撰	孟元老撰	范致明撰	宋 祁撰	劉 恂撰	莫休符撰	段公路撰 龜圖註	宗 懔撰	嵇 含撰
……二八九	……三六五	……二八九	……二五一	……一七五	……一二五	……一〇九	……九九	……七九	……六三	……二九	……一三	……一

欽定四庫全書

史部

南方草木狀卷上至下

詳校官鴻臚寺少卿臣梁景陽

編修臣程嘉謨覆勘

總校官庶吉士臣何思鈞

校對官編修臣朱攸

謄錄監生臣吳錫綵

欽定四庫全書

史部十一

南方草木狀

地理類八雜記之屬

提要

臣等謹按南方草木狀三卷晉嵇含撰含事

蹟附載晉書嵇紹傳考隋志舊唐志俱有含

集十卷

隋志云其集已亡但附載郭象集下舊唐志仍著錄

而不載此

書至宋志始著錄觀此書載指甲花自大秦

國移植南海是晉時已有此花而唐段公路

欽定四庫全書

南方草木狀提要

北戶錄乃云指甲花本出外國梁大同二年

始來中國知公路未見此書蓋唐時尚不甚

顯故史志不載也諸本但題譙國嵇含惟宋

麻沙舊板前題曰永興元年十一月丙子振

威將軍襄陽太守嵇含撰云云載其年月仕

履頗為詳具蓋舊本如是明人始刊削之然

晉書惠帝本紀永寧二年正月改元永安七

月改建武十一月復為永安十二月丁亥立

豫章王熾為太弟始改永興是永興元年不

得有十一月又永興二年正月甲午朔以干

支推之丙子當在上年十二月中旬尚在改

元前十二日其時亦未稱永興或其時改元

之後併十二月一月皆追稱永興而輟轉傳

刻又誤十二月為十一月歟惟隋志稱廣州

太守嵇含而此作襄陽太守考書中所載皆

嶺表之物則超襄陽或誤題也其書凡分草

欽定四庫全書

南方草木狀

二

木果竹四類共八十種敘述典雅非唐以後

人所能偽不得以始見宋志疑之其本亦最

完整蓋宋以後花譜地志援引者多其字句

可以互校故獨鈔訛闕焉乾隆四十三年九

月恭校上

總纂官 臣 紀昀 臣 陸錫熊 臣 孫士毅

總校官 臣 陸費墀

欽定四庫全書

南方草木狀卷上

晉 嵇含 撰

南越交趾植物有四裔最為奇周泰以前無稱焉自漢武帝開拓封疆搜求珍異取其尤者充貢中州之人或昧其狀乃以所聞詮叙有裨子弟云爾

甘蕉望之如樹株大者一圍餘葉長一丈或七八尺廣

尺餘二尺許花大如酒杯形色如芙蓉著莖末百餘子

欽定四庫全書

南方草木狀

一

大名為房相連累甜美亦可蜜藏根如芋魁大者如車

穀實隨華每華一闔各有六子先後相次子不俱生花

不俱落一名芭蕉或曰芭苴剥其子上皮色黃白味似

蒲萄甜而脆亦療飢此有三種子大如拇指長而銳有

類羊角名羊角蕉味最甘好一種子大如鷄卵有類牛

乳名牛乳蕉味微減羊角一種大如藕子長六七寸形正

方少甘最下也其莖解散如絲以灰練之可紡績為絛

綌謂之蕉葛雖脆而好黃白不如葛赤色也交廣俱有

之三輔黃圖曰漢武帝元鼎六年破南越建扶荔宮以植所得奇草異木有甘蕉二本

耶悉茗花末利花皆胡人自西國移植於南海南人憐其芳香競植之陸賈南越行紀曰南越之境五穀無味百花不香此二花特芳香者緣自胡國移至不隨水土而變與夫橘北為枳異矣彼之女子以綵絲穿花心以為首飾

末利花似薔薇之白者香愈於耶悉茗

欽定四庫全書

南方草木狀
卷上

三

豆蔻花其苗如蘆其葉似薑其花作穗嫩葉卷之而生花微紅穗頭深色葉漸舒花漸出舊說此花食之破氣消痰進酒增倍泰康二年交州貢一篚上試之有驗以賜近臣

山薑花莖葉即薑也根不堪食於葉間吐花作穗如麥粒軟紅色煎服之治冷氣甚效出九真交趾

鶴子草蔓生其花麴塵色淺紫蒂葉如柳而短當夏開花形如飛鶴背翅尾足無所不備出南海云是媚草上有

蟲老蛇為蝶赤黃色女子藏之謂之媚蝶能致其夫憐愛

甘藷蓋薯蕷之類或曰芋之類根葉亦如芋實如拳有大如甌者皮紫而肉白蒸鬻食之味如薯蕷性不甚冷舊珠崖之地海中之人皆不業耕稼惟掘地種甘藷秋熟收之蒸曬切如米粒倉圖貯之以充糧糗是名藷糧北方人至者或盛具牛豕膾炙而末以甘藷薦之若粳粟然大抵南人二毛者百無一二惟海中之人壽百餘

欽定四庫全書

南方草木狀
卷上

三

歲者由不食五穀而食甘藷故爾

花之美者有水蓮如蓮而莖紫柔而無刺

水蕉如鹿葱或紫或黃吳永安中孫休嘗遣使取二花終不可致但圖畫以進

藟醬華茷也生於蕃國者大而紫謂之華茷生於番禺者小而青謂之藟焉可以為食故謂之醬焉交趾九真人家多種蔓生

菖蒲番禺東有澗澗中生菖蒲皆一寸九節安期生採

服仙去但留玉鷄焉

留求子形如梔子稜瓣深而兩頭尖似訶梨勒而輕及半黃已熟中有肉白色甘如棗核大治嬰孺之疾南海交趾俱有之

諸蔗一曰甘蔗交趾所生者圍數寸長丈餘頗似竹斷而食之甚甘竿取其汁曝數日成飴入口消釋彼人謂之石蜜吳孫亮使黃門以銀椀并蓋就中藏吏取交州所獻甘蔗錫黃門先恨藏吏以鼠屎投錫中啟言吏不

欽定四庫全書

南方草木狀
卷上

四

謹亮呼吏持錫器入問曰此器既蓋之且有油覆無緣有此黃門將有恨汝吏叩頭曰嘗從臣求莞席臣以席有數不敢與亮曰必是此問之具服南人云甘蔗可消酒又名干蔗司馬相如樂歌曰泰尊柘漿析朝醒是其義也泰康六年扶南國貢諸蔗一丈三節

草麴南海多美酒不用麴藥但杵米粉雜以衆草葉治葛汁漉漉之大如卵置蓬蒿中陰蔽之經月而成用此合糯為酒故劇飲之既醒猶頭熱泔泔以其有毒草故

也南人有女數歲即大釀酒既漉候冬陂池竭時寔酒

罌中密固其上座陂中至春澗水滿亦不復發矣女將嫁乃發陂取酒以供賀客謂之女酒其味絕美

芒茅枯時瘴疫大作交廣皆爾也土人呼曰黃茅瘴又曰黃芒瘴

南方冬無積藁瀕海郡邑多馬有草葉類梧桐而厚取以秣馬謂之肥馬草馬頗嗜而食果肥壯矣

冬葉薑葉也苞苴物交廣皆用之南方地熱物易腐敗惟

欽定四庫全書

南方草木狀
卷上

五

冬葉藏之乃可持久

蒲葵如栟櫚而柔薄可為葵笠出龍川

藥有乞力伽木也瀕海所產一根有至數斤者劉涓子取以作煎令可丸餌之長生

賴桐花嶺南處處有自初夏生至秋益草也葉如桐其花連枝萼皆深紅之極者俗呼貞桐花貞音訛也

水蔥花葉皆如鹿蔥花色有紅黃紫三種始興婦人懷妊佩其花生男者即此花非鹿蔥也交廣人佩之極有驗

然其土多男不厭女子故不常佩也

蕪菁嶺嶠已南俱無之偶有士人因官攜種就彼種之
出地則變為芥亦橘種江北為枳之義也至曲江方有
菰彼人謂之秦菰

茄樹交廣草木經冬不衰故蔬圃之中種茄宿根有三
五年者漸長枝幹乃成大樹每夏秋盛熟則梯樹採之
五年後樹老子稀即伐去之別栽嫩者

綽菜夏生於池沼間葉類茨菰根如藕條南海人食之

欽定四庫全書

南方草木狀
卷上

六

云令人思睡呼為瞑菜

蘿葉如落葵而小性冷味甘南人編葦為筏作小孔浮
於水上種子於水中則如萍根浮水面及長莖葉皆出
於葦筏孔中隨水上下南方之奇蔬也治葛有大毒以
蘿汁滴其苗當時萎死世傳魏武能噉治葛至一尺云
先食此菜

治葛毒草也蔓生葉如羅勒光而厚一名胡蔓草實毒
者多雜以生蔬進之悟者速以藥解不爾半日輒死山

羊食其苗即肥而大亦如鼠食巴豆其大如狫益物類
有相伏也

吉利草其莖如金釵股形類石斛根類芍藥交廣俚俗
多蓄蠱毒惟此草解之極驗吳黃武中江夏李侯以罪
徙合浦始入境遇毒其奴吉利者偶得是草與侯服遂
解吉利即遁去不知所之侯因此濟人不知其數遂以
吉利為名豈李侯者徒非其罪或侯自有隱德神明啟
吉利者救之耶

欽定四庫全書

南方草木狀
卷上

七

良耀草枝葉如麻黃秋結子如小栗煨食之解毒功用
亞於吉利始者有得是藥者梁氏之子耀亦以為名梁
轉為良爾花白似牛李出高涼

蕙草一名薰草葉如麻兩兩相對氣如薜蘿可以止癘
出南海

凡草木之華者春華者冬秀夏華者春秀秋華者夏秀
冬華者秋秀其華竟歲故婦女之首四時未嘗無華也
南方草木狀卷上

欽定四庫全書

南方草木狀卷中

晉 嵇含 撰

楓人五嶺之間多楓木歲久則生瘤癭一夕遇暴雷驟雨其樹贅暗長三五尺謂之楓人越巫取之作術有通神之驗取之不以法則能化去

楓香樹似白楊葉圓而歧分有脂而香其子大如鴨卵

二月華發乃著實八九月熟曝乾可燒惟九真郡有之

欽定四庫全書

南方草木狀
卷中

薰陸香出大秦在海邊有大樹枝葉正如古松生於沙

中盛夏樹膠流出沙上方採之

榕樹南海桂林多植之葉如木麻實如冬青樹幹拳曲

是不可以為器也其本稜理而深是不可以為材也燒

之無焰是不可以為薪也以其不材故能久而無傷其

陰十畝故人以為息焉而其枝條既繁葉又茂細軟條

如藤垂下漸漸及地藤梢入土便生根節或一大株有

根四五處而橫枝及鄰樹即連理南人以為常不謂之

瑞木

益智子如筆毫長七八分二月花色若蓮著實五六月

熟味辛雜五味中芬芳亦可鹽曝出交趾合浦建安八

年交州刺史張津嘗以益智子粽餉魏武帝

桂出合浦生必以高山之巔冬夏常青其類自為林間

無雜樹交趾置桂園桂有三種葉如柏葉皮赤者為丹

桂葉似柿葉者為菌桂其葉似枇杷葉者為牡桂三輔

黃圖曰甘泉宮南有昆明池池中有靈波殿以桂為柱

欽定四庫全書

南方草木狀
卷中

風來自香

朱槿花莖葉皆如桑葉光而厚樹高止四五尺而枝葉

婆娑自二月開花至中冬即歇其花深紅色五出大如

蜀葵有藥一條長於花葉上綴金屑日光所爍疑若燭

生一叢之上日開數百朵朝開暮落挿枝即活出高涼

郡一名赤槿一名日及

指甲花其樹高五六尺枝條柔弱葉如嫩榆與耶悉若

末利花皆雪白而香不相上下亦胡人自大秦國移植

於南海而此花極繁細纔如半米粒許彼人多折置襟袖間蓋資其芬馥爾一名散沫花

蜜香

沉香

鷄骨香

黃熟香

棧香

青桂香

馬蹄香

鷄舌香

案此八物同出於一樹也交趾有蜜香樹幹似柅柳其花白而繁其葉如橘欲取香伐之經年其根幹枝節各有別色也木心與節堅黑沉水者為沉香與水面平者為鷄骨香其根為黃熟香其幹為棧香細枝緊實未爛者為青桂香其根節輕而大者為馬蹄香其花不香成實乃香為鷄舌香珍異之木也

欽定四庫全書

南方草木狀

三

桄榔樹似柅櫚實其皮可作纆得水則柔韌胡人以此聯木為舟皮中有屑如麪多者至數斛食之與常麪無異木性如竹紫黑色有文理工人解之以製奕枰出九真交趾

訶梨勒樹似木椀花白子形如橄欖六路皮肉相著可作飲變白髭髮令黑出九真

蘇材樹類槐花黑子出九真南人以染絳漬以大庾之水則色愈深

水松葉如檜而細長出南海土產衆香而此木不大香故彼人無佩服者嶺北人極愛之然其香殊勝在南方時植物無情者也不香於彼而香於此豈屈於不知已而伸於知己者歟物理之難窮如此

刺桐其木為材三月三時布葉繁密後有花赤色間生葉間旁照他物皆朱殷然三五房凋則三五復發如是者竟歲九真有之

欽定四庫全書

南方草木狀

四

棹樹幹葉俱似椿以其葉鬻汁漬果呼為棹汁若以棹汁雜鼠肉食者即時為雷震死棹出高涼郡

杉一名披姑合浦東二百里杉一樹漢安帝永初五年春葉落隨風飄入洛陽城其葉大常杉數十倍術士廉盛曰合浦東杉葉也此休徵當出王者帝遣使驗之信然乃以千人伐樹役夫多死者其後三百人坐斷株上食其膚足相容至今猶存

荆寧浦有三種金荆可作枕紫荆堪作牀白荆堪作履
與他處牡荊蔓荊全異又彼境有杜荊指病自愈節不
相當者月暈時刻之與病人身齊等置牀下雖危困亦
愈

紫藤葉細長莖如竹根極堅實重重有皮花白子黑置
酒中歷二三十年亦不腐敗其莖截置煙炙中經時成
紫香可以降神

檣藤依樹蔓生如通草藤也其子紫黑色一名象豆三
欽定四庫全書

南方草木狀
卷中

五

年方熟其殼貯藥歷年不壞生南海解諸藥毒

蜜香紙以蜜香樹皮葉作之微褐色有紋如魚子極香
而堅韌水漬之不潰爛泰康五年大秦獻三萬幅嘗以
萬幅賜鎮南大將軍當陽侯杜預令寫所撰春秋釋例
及經傳集解以進未至而預卒詔賜其家令上之

抱香履抱木生於水松之旁若寄生然極柔弱不勝刀
鋸乘濕時刻而為履易如削爪既乾則韌不可理也履
雖猥大而輕者若通脫木風至則隨飄而動夏月納之

可禦蒸濕之氣出扶南大秦諸國泰康六年扶南貢百
雙帝深歎異然哂其制作之陋但置諸外府以備方物
而已按東方朔瑣語曰木履起於晉文公時介之推逃
祿自隱抱樹而死公撫木哀歎遂以為履每懷從亡之
功輒俯視其履曰悲乎足下足下之稱亦自此始也

欽定四庫全書

南方草木狀
卷中

六

南方草木狀卷中

欽定四庫全書

南方草木狀卷下

晉 嵇含 撰

檳榔樹高十餘丈皮似青桐節如桂竹下本不大上枝不小調直亭亭千萬若一森秀無柯端頂有葉葉似甘蕉條派開破仰望眇眇如挿叢蕉於竹杪風至獨動似舉羽扇之掃天葉下繫數房房綴數十實實大如桃李天生棘重累其下所以禦衛其實也味苦澀剖其皮鬻

欽定四庫全書

南方草木狀
卷下

其膚熟如貫之堅如乾棗以扶留藤古賁仄并食則滑美下氣消穀出林邑彼人以為貴婚族客必先進若邂逅不設用相嫌恨一名賓門藥錢

荔枝樹高五六丈餘如桂樹綠葉蓬蓬冬夏榮茂青華朱實實大如鷄子核黃黑似熟蓮實白如肪甘而多汁似安石榴有甜酢者至日將中翕然俱赤則可食也一樹下子百斛三輔黃圖曰漢武帝元鼎六年破南越建扶荔宮扶荔者以荔枝得名也自交趾移植百株于庭無一生者

連年移植不息後數歲偶一株稍茂然終無華實帝亦珍惜之一旦忽萎死守吏坐誅死者數十遂不復茂矣其實則歲貢焉郵傳者疲斃於道極為生民之患

椰樹葉如枴櫚高六七丈無枝條其實大如寒瓜外有粗皮次有殼圓而且堅剖之有白膚厚半寸味似胡桃而極肥美有漿飲之得醉俗謂之越王頭云昔林邑王與越王有故怨遣俠客刺得其首懸之於樹俄化為椰子林邑王憤之命剖以為飲器南人至今效之當刺時

欽定四庫全書

南方草木狀
卷下

越王大醉故其漿猶如酒云

楊梅其子如彈丸正赤五月中熟熟時似梅其味甜酸陸賈南越行紀曰羅浮山頂有胡楊梅山桃繞其際海人時登採拾止得於上飽噉不得持下東方朔林邑記曰林邑山楊梅其大如杯碗青時極酸既紅味如崖蜜以醞酒號梅花酎非貴人重客不得飲之橘白華赤實皮馨香有美味自漢武帝交趾有橘官長一人扶二百石主貢御橘吳黃武中交趾太守士燮獻

橘十七實同一蒂以為瑞異羣臣畢賀

柑乃橘之屬滋味甘美特異者也有黃者有賴者賴者謂之壺柑交趾人以席囊貯蟻鬻於市者其窠如薄絮囊皆連枝葉蟻在其中并窠而賣蟻赤黃色大於常蟻南方柑樹若無此蟻則其實皆為羣蠹所傷無復一完者矣今華林園有柑二株遇結實上命羣臣宴飲于旁摘而分賜焉

橄欖樹身聳枝皆高數丈其子深秋方熟味雅苦澀咀

欽定四庫全書

南方草木狀
卷下

三

之芬馥勝含鷄舌香吳時歲貢以賜近侍本朝自秦康後亦如之

龍眼樹如荔枝但枝葉稍小殼青黃色形圓如彈丸核如木棗子而不堅肉白而帶漿其甘如蜜一朶五六十顆作穗如葡萄然荔枝過即龍眼熟故謂之荔枝奴言常隨其後也東觀漢記曰單于來明楊橙橘龍眼荔枝魏文帝詔羣臣曰南方果之珍異者有龍眼荔枝令歲貢焉出九真交趾

海棗樹身無間枝直聳三四十丈樹頂四面共生十餘枝葉如栟櫚五年一實實甚大如杯盃核兩頭不尖雙卷而圓其味極甘美安邑御棗無以加也秦康五年林邑獻百枚昔李少君謂漢武帝曰臣嘗遊海上見安期生食臣棗大如瓜非誕說也

千歲子有藤蔓出土子在根下鬚綠色交加如織其子一苞恒二百餘顆皮殼青黃色殼中有肉如栗味亦如之乾者殼肉相離撼之有聲似肉豆菹出交趾

欽定四庫全書

南方草木狀
卷下

四

五斂子大如木瓜黃色皮肉脆軟味極酸上有五稜如刻出南人呼稜為斂故以為名以蜜漬之甘酢而美出南海枸橼子形如瓜皮似橙而金色胡人重之極芬香肉甚厚白如蘆服女工競雕鏤花鳥漬以蜂蜜點燕檀巧麗妙絕無與為比秦康五年大秦貢十年帝以三年賜王愷助其珍味夸示於石崇

海梧子樹似梧桐色白葉似青桐有子如大栗肥甘可食出林邑

海松子樹與中國松同但結實絕大形如小栗三角肥甘香美亦罇俎間佳果也出林邑

菴摩勒樹葉細似合昏花黃實似李青黃色核圓作六七稜食之先苦後甘術士以變白鬚髮有驗出九真石栗樹與栗同但生於山石罅間花開三年方結實其殼厚而肉少其味似胡桃仁熟時或為羣鸚鵡至啄食略盡故彼人極珍貴之出日南

人面子樹似含桃結子如桃實無味其核正如人面故

欽定四庫全書

南方草木狀

五

以為名以蜜漬之稍可食以其核可玩於席間飣餽禦客出南海

雲丘竹一節為船出扶南然今交廣有竹節長二丈其圍一二丈者往往有之

簾簟竹皮薄而空多大者徑不過二寸皮麤澀以鏹犀象利勝於鐵出大秦

石林竹似桂竹勁而利削為刀割象皮如切芋出九真交趾

思摩竹如竹大而筍生其節筍既成竹至春節復生笋焉交廣所在有之

簾竹葉疎而大一節相去六七尺出九真彼人取嫩者砲浸紡績為布謂之竹疎布

越王竹根生石上若細荻高尺餘南海有之南人愛其青色用為酒籌云越王棄餘筍而生竹

欽定四庫全書

南方草木狀

六

南方草木狀卷下

欽定四庫全書

史部
荆楚歲時記

詳校官鴻臚寺少卿臣梁景陽

編修臣程嘉謨覆勘

總校官知縣臣繆琪

校對官主事臣雷純

謄錄監生臣方凌翰

欽定四庫全書

史部十一

荆楚歲時記

地理類八雜記之屬

提要

欽定四庫全書

荆楚歲時記
提要

臣等謹案荆楚歲時記一卷舊本題晉宗懷撰書錄解題作梁人考梁書元帝本紀載承聖三年秋七月甲辰以都官尚書宗懷為吏部尚書又南史元帝本紀載武陵之平議者欲因其舟艦遷都建業宗懷黃羅漢皆楚人不願移此書皆記楚俗當即其人舊本題晉人誤也唐宋志皆作一卷與今本合而通考乃作四卷考書錄解題載懷自序曰傳元之朝會杜篤之上已安仁秋興之叙君道娛蜡之述其屬辭則已洽其比事則未宏率為小記以錄荆楚歲時風物故事自元日至除日凡二十餘事然則必無四卷知通考為傳寫之譌又檢今本實有三十六事併知陳振孫